

Ferietur/helgetur for personar med nedsett funksjonsevne 2019

Reiser på ferie eller helgeturar har vore på agendaen både i Meland kommunestyre og Utval for levekår.

Årsaka til at dette har vore eit tema er at det har vorte vedteke administrativt at personar som treng hjelp til å reisa og overnatta ikkje har høve til tenesteyting betalt hjelp frå kommunen.

Brukarar som har vendt seg til Pleie –og omsorg har vorte møtt med at det er opphaldskommunen, altså den kommunen som ein reiser til, som skal yta slik hjelp.

Ei slik teneste frå opphaldskommunen har ikkje i seg det innhaldet som den einskilde har trong for. Denne tenesta har aldri vore tenkt til anna ein naudsynt helsehjelp til dei som treng det.

Leiar for Pleie-og omsorg Britt Romarheim, var etter førespurnad frå Utvalsléiar i Utvalsmøte 22.05 2018 og informerte om støttekontaktordninga og retninglinene for turar med overnatting. Utvalet tok den gongen informasjonen til vitande, samstundes som fleire av medlemmene gav munnleg uttrykk for at dette måtte ein sjå nærare på.

I media har det vore mange oppslag om denne saka.

Saka har vist at innbyggjarar med trong for hjelp til å reisa utanfor kommunegrensene på overnatting er umogeleg i Meland og Lindås.

Dette må ein finna ei løysing på og det må ein politisk medverka til.

Framlegg til vedtak:

Utval for levekår ber leiinga for Pleie-og omsorg finna løysingar for personar med nedsett funksjonsevne som ønskjer å reisa på tur med overnatting utanfor kommunen i 2019.

Utval for levekår meiner eit samarbeid mellom den einskilde brukar og kommunen vil det vera mogeleg å få til løysingar som kan aksepterast både for brukaren og kommunen.

I samband med Alver kommune må nye og fleksible retningslinjer innan dette tenestområdet utarbeidast der både brukarorganisasjonar og arbeidstakarorganisasjonar vert involvert i arbeidet.

Sølvi Knudsen (SP)